



Title	漢詩
Author(s)	鈴木, 虎雄
Citation	懷徳. 1935, 13, p. 46-48
Version Type	VoR
URL	https://hdl.handle.net/11094/88931
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

過此。覩其猶在者。不僅起敬也。將必有得於深造以道焉。君距今六年。年七十四。終於官。官朝鮮總督府政務總監。有嘉績。以土異不具著。

繼宮殿下甲戌誕辰恭賦八韻

豹軒 鈴 木 虎 雄

大統淵源遠。瓜縣自肇基。鴻慶流紫闥。祥夢發鸞帷。蓬矢前冬禮。緡衣今旦姿。孝仁含至性。文武表光儀。烜赫重明日。渾涵成化時。子來非假想。王會有佳期。九服歡殷地。萬方欽仰曦。揚休臣職是。望闕志如葵。

送新村出博士應 召入朝進講

春風朝鳳闕。講殿五雲鮮。萬古言靈在。發揮 神聖前。

贈宇野哲人博士進講

頭白窮儒術。講經春上筵。知君明德治。敷奏 聖人前。

送神田邕盒游學歐州

乘春駕洪濤。滄溟向窮髮。彷彿文海中。渺茫迷恍惚。斯子識波程。遠航辨津筏。焦嶼網珊瑚。水府窺貝闕。勿爲望虞淵。競走逐沒日。早往早歸來。寶珍載突兀。

送原田季清學士赴任臺灣文政大學次其贈詩原韻二首

文章自古戒才多。師表于今嫌道頗。賢士固知幾索隱。老夫空欲寢無訛。牀前梅點萋萋草。天外帆開渺渺波。到日南臺應有句。勿忘附鯉伏衰魔。

三餘惜晷伴陶泓。講藝卅年留上京。形槁心灰爲聞道。門寒官冷豈求名。孜孜經業推先進。落落文章畏後生。臨歧不揮平日淚。搏風待子度鵬程。

天授庵雅集

夏景暗成還換衣。叢林穿徑叩禪扉。鏡池波熨蓮花睡。羊嶺雲開燕子飛。棲戀邱園知老至。吟攀風雅愧才微。壁間逢著籠紗迹。時壁上見中山白崖高野竹隱諸君墨蹟嘆惜交游歲歲非。

內藤炳卿博士小祥追懷次韻

能讀且稀沉著書。青山無主樹扶疏。殷勤嘗寫雕龍句。爲說唐文復古初。

得青木迷陽信云新膺學位贈賀

大都江浙各風情。曲史開山門徑成。堪使王吳王國維瞠若後。功名不要得功名。

物庵理博以土佐虎斑硯見惠書感賦贈

文房憶四友。老來若渴飢。管侯與褚子。容易相追隨。陳玄在座右。陶泓特所思。虎璞落吾側。斑斑深山姿。與汝舊相識。憶我童子時。挾冊上村校。濡毫對吾師。滿面亂鴉色。頑駭羣戲嬉。恍惚猶昨日。卽今鬢如絲。平生戒奢泰。財用慎徒隳。雖愛方玉貴。此亦堪護持。注以涓涓水。磨研臨凹池。臙臙神氣聚。赫灼精英馳。小則驅魍魎。大則戮蛟螭。煌煌明大道。悠悠保國維。臣忠揚其烈。子孝美其爲。婦貞顯其鑑。友信存其規。山川寫清秀。花月畫華滋。凡百賴汝力。素樸與汝期。不要馬肝繳。何用鸚眼奇。從今伴遲暮。須臾不相離。

昭和甲戌初夏一心寺弔伏見鳥羽戰沒諸士靈。賦奠

秋 月 胤 繼

勢所激兮旣接兵。挺身只有競輸贏。臨危授命全臣節。感發後人報國誠。